

文淵閣
四庫全書
電子版



【史部】



玉堂雜記



迪志文化出版有限公司 出版
迪志文化出版有限公司為宜高科技集團成員

《文淵閣四庫全書電子書：玉堂雜記》

出版：迪志文化出版有限公司
地址：香港中環皇后大道中99號中環中心29樓
電話：(+852) 2735 1263
傳真：(+852) 2730 8686
網址：<http://www.dheritage.com>
電郵：dvm.customer@dvm.com.hk
客戶服務熱線：(+852) 2302 3043

2001年7月初版

版權所有，請勿翻印

Copyright (C) 2000 Digital Heritage Publishing
All rights reserved. No part of this book shall be reproduced, stored in a retrieval system, or transmitted by any means, electronic, mechanical, photocopying, recording, or otherwise, without written permission from the publisher.

迪志電子書坊

下載電子書，訂購 Print On Demand 版本，請瀏覽迪志電子書坊。

網址：<http://www.digiebooks.com>

欽定四庫全書

史部十二

玉堂雜記

職官類一官制之屬

提要

臣等謹案玉堂雜記三卷宋周必大撰必大

字子充一字洪道廬陵人紹興二十一年進

士中宏詞科權中書舍人孝宗朝歷右丞相

拜少保進益國公寧宗朝以少傅致仕卒謚

文忠事蹟具宋史本傳此書皆記翰林故事

欽定四庫全書

玉堂雜記

後編入必大文集中此乃其別行之本也宋

代掌制最號重職往往由此致位二府必大

受知孝宗兩入翰苑自權直院至學士承旨

皆偏為之凡鑒坡制度沿革及一時宣白奏

對之事隨筆記錄集為此編所紀如奉表德

壽署名賜安南國王嗣子詔書之類皆能援

引古義合於典禮其他瑣聞遺事亦多可資

談柄洪遵翰苑羣書所錄皆唐代及汴都故

帙程俱麟臺故事亦成於紹興間其隆興以

後翰林故實惟稍見於館閣續錄及洪邁容

齋隨筆中得必大此書互相稽考南渡後玉

堂舊典亦庶幾乎釐然具矣乾隆四十六年

十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

玉堂雜記

玉堂雜記原序

必大試館職時太上稱其文諭宰執陳公康伯朱公倬云他日令掌制今上受禪兩月自六察擢左史初對玉音云向在王邸見卿詞科擬制雅宜代言不旋踵遂兼正字其後兩入翰苑首尾十年自權直院至學士承旨皆徧為之其荷兩朝知遇至矣歲月既久凡涉典故及聞見可紀者輒筆之淳熙庚子進位二府蘇易簡玉堂之思每切于中因命小子綸哀為一編略加訂其間多涉欽定四庫全書
玉堂雜記
序
幾微非止溫木或刪或留僅得五十餘條前後胙錄辭無銓次釐為三卷或可附洪氏翰苑羣書後云壬寅八月十二日周必大題

朝佐頃者官桂陽獲觀今丞相周公鑒坡錄愛而傳之茲如武林又得其玉堂雜記益聞所未聞蓋中興以來九重之德美前輩之典刑恩數之異同典故之沿革皆因事而見之此尤不可不傳也乃手抄一通藏於家竊聞公在翰苑知無不言朝廷有大命令人所不敢議者

公從容敷奏皆當上意凡所以障隄狂瀾護養元氣者豈止一事而公不書何其謙也然盛德偉烈表表在人耳目公雖不書其能使之弗傳哉紹興元年重五日樵溪丁朝佐謹書

丞相益公玉堂雜紀一編森得之久矣字畫間有舛誤每苦其難讀近訪丁懷忠觀甘泉書藏懷忠不知森有此書出以相示森曰明月夜光天下之所同寶也子獨能私有之乎亟假其本而參訂之因系歲月於後紹熙
欽定四庫全書
玉堂雜記
序
辛亥仲夏一日眉山蘇森謹題



欽定四庫全書

玉堂雜記卷上

宋 周必大 撰

錢文僖公惟演金坡遺事云舊規學士六人遇聖節共率百二十緡寺中設齋今送五十千與樞密使同開道場前一日赴宴當時所記如此近歲樞密院滿散聖節及貢院賜宴則學士待制皆與而無送錢故事又六參隨樞密班先入止是再拜不舞蹈并遇宣麻不往皆內

欽定四庫全書

玉堂雜記

朝故事也

金坡遺事又云聖節唐時惟六學士及二使

謂中官赴樞密使

待詔雖發書屈亦不與坐又云本朝淳化五年十月上賦詩一首令待詔吳郢張用和齋以示學士張洎錢若水又李昌武宗諤翰苑雜記學士初授中謝前一日待詔一名至私第宣召入院聽口宣舞蹈訖揖待詔上階相見具酒果迎待即以事例物并書致於待詔前熙寧間司馬文正公日記云初除學士待詔李堯卿宣召設

欽定四庫全書

玉堂雜記

香案褥位於庭望闕堯卿稱有敕光再拜堯卿口宣云云光每句應喏畢再拜舞蹈又再拜升階與待詔坐啜茶蓋中朝舊典也今學士院有待詔四人或右選或白身予為學士忠翊郎錢滋來宣召大略如李馬二公所記而無對揖茶酒之禮例支十千辭云自來虛喝不敢受予強予之常日學士入院坐堂上朱衣吏初贊喝東院錄事某人以下躬喏訖又喝云各祇候次贊喝西院某人以下亦如之最後平贊云待詔既不名亦不喝各祇候則待詔與院吏固亦有間若平居則視之全與吏等無由待以茶酒豈將命時不欲吏之邪抑祖宗時所遣或翰林他局之待詔邪然唐制發書屈赴聖節禮已厚矣

李仁父熹續通鑑長編開寶二年太祖命李昉盧多遜分直學士院昉前在翰林堂吏因事至者每拜堂下事已即遣未嘗與坐至是拜堂上更展叙中外無復曩日之禮昉愕然詢同列則云數年矣

司馬文正公日記云熙寧二年五月癸巳鎖院以奉安
二御容禮成德音降西京囚杖以下放是日丞相出中
書提點魏孝先以下入院授以參政趙抃所封御前劄
子茶湯館于虛閣御藥劉有方來茶湯館于門塾復謁
御厨翰林設食致酒果黃昏進首尾詞內批依此修寫
四鼓起讀點句攢點進入明日丞相退朝宣訖開院淳
熙三年十一月八日必大被宣草十二日冬祀赦黃昏
方至院御藥持御封中書門下省熟狀來繫鞵迎于中
門同監門內侍一員俱升廳御藥先以熟狀授監門共
茶湯訖先送御藥出院復與監門升廳受熟狀付吏又點
湯送監門下階館之門塾而不報謁既熟狀自內出非
參政所封故提點官不來惟中書門下省刑房錄事尚
書省刑房主事各一人穿東同至仍舊繫鞵見之不迎
不送不設茶湯而退守當官四人貼房十數人旅揖階
下與文正公所記多不同至六年九月十二日復被宣
草明堂赦御藥張安中監門梁襄相見如儀惟錄事沈

欽定四庫全書

玉堂雜記

三

樸主事李師文茶而不湯院吏云前不設茶誤也守當
官等不復廷揖所謂酒饌之賜今皆無之詰朝奏知先
出而吏卒輩皆俟三日後宣赦訖乃得歸
太上的遜位上尊號時陳丞相康伯當國集議定命學
士洪景巖遵撰議文然後降詔必大時任察官心知其
非而無由改乾道六年郊祀禮成加上尊號必大在翰
苑始引唐故事乞上帥羣臣過宮表請既允然後降詔
國朝止有人主上母后尊號故冊文稱嗣皇帝靖康上
教主道君之號徐丞相處仁已命汪彥章藻代作冊文
會有疆事不及行禮紹興三十二年初上德壽尊號乃
承例用嗣皇帝乾道六年年上既表加乞上尊號而院吏
寫表亦稱嗣皇帝私謂未安謹按唐明皇傳位後顏真
卿議肅宗不當於宗廟稱嗣皇帝况親奉表德壽乎以
白虞丞相允文丞相難之必令尋例必大思建炎以後
遇節朔遙拜徽宗表是時翰苑多名士必不誤用乃督
吏搜舊牘明日果得表本一冊止稱皇帝又按韓文順

欽定四庫全書

玉堂雜記

四

宗實錄載憲宗上順宗尊號冊文亦稱皇帝臣某此最可據其議遂定

是歲初議於太上皇帝尊號中加憲天體道四字皇后加慈明二字必大草詔云太上皇帝與天同大體道之宗太上皇后如月之明以慈為寶蓋取文意之順耳將宣布而議者謂天聖二年賜太宗女申國大長公主謚曰慈明當避於是改用明慈二字宰執云詔書先明而後慈殆默定也

欽定四庫全書

聖訓

五

必大與同直院鄭仲益間既分草皇帝請加上太上皇帝皇后尊號賤表諸公謂太上皇帝自當答語頗疑皇后難於措辭必大請以意共為答語文意所及總言父母以該之而不稱予吾之類遂草以進上甚以為然凡兩答語皆必大所草也

上於文字尤欲得體一覽便見是非必大草太上辭尊號第一語其末云怡神閒燕何力之有上曰此雖道太上語畢竟自此起草送去何力之句不能無嫌必大遂

改作無累於物蓋上用意至到如此

淳熙二年六月禮部太常寺申來年太上皇帝當慶七十欲將國朝加上尊號并壽典禮參酌比附先次討論壬申有旨恭依七月乙酉侍從禮官等就都堂議加性仁立德至神無為八字而皇后再加二字為齊明廣慈後兩日禮部趙侍郎雄謂無為二字與太上字相連頗涉語忌請改為明武煥文其後又嘗作至神無為又作成武煥文逮癸卯乃定用性仁立德無為全美參政龔

欽定四庫全書

聖訓

六

實之茂良而下尚不以為然葉丞相衡既主之眾莫能奪八月直院胡長文元質罷丁卯上自用必大再直已擬詔草會九月乙未葉丞相罷龔參首招予及學士王季海共議然後定為性仁誠德經武緯文遂草宣布詔其頌太上皇帝云以德行仁本性誠之固有修文偃武合經緯之自然太上皇后云月齊日以得天而能久照坤順乾而配地是以廣生上再三稱獎謂數句用經語該括明備非卿不能為真大手筆也



大禮降御劄既云劄示則當親筆付外近歲同常詔從院吏寫本行出未知中朝舊事如何乾道九年六月七日宣當直學士草南郊御劄三更進草其間云乾清坤夷振四方之綱紀星暉海潤兆百世之本支王卮每奉於親闈瑞節歲交於鄰境上改作農扈屢豐戎軒載戰崇禮樂而四達嘉風俗而再淳王卮每奉於親闈美化遂刑於海宇仍批云可改簽抹者五句意不近於郊祀其欲得體大率如此

欽定四庫全書

五堂雜記
卷上

七

己亥三月丁卯詔今歲郊祀以例約束省費旋有旨未令行出下禮部太常寺議明堂大禮初李仁父主此說於前郊嘗經集議會近習揚言燾博極羣書却不曾讀孝經乃不果行至是予以禮部尚書兼翰林學士與諸儒議曰周公雖攝政而主祭則成王王方幼冲故周公參稽古制歲事於明堂其曰嚴父者指周公能推本武王之志追尊文王之功非謂自主其祭祀也衆以為然遂奏臣等竊觀傳載黃帝拜祀上帝於明堂唐虞祀五

帝於五府歷時既久其詳莫得而聞至禮記始載明堂位一篇言天子負斧依南鄉而立內之公侯伯子男外之侯甸要荒以序而立故曰明堂也者明諸侯之尊卑也孟子亦曰明堂者王者之堂也周禮大司樂有冬至圜丘之樂夏至方丘之樂宗廟九變之樂三者皆大祭祀惟不及明堂豈非明堂者布政會朝之地成王時嘗於此歌我將之頌宗祀其祖文王乎後暨漢唐雖有沿革至於祀帝而配以祖宗多由義起未始執一本朝仁

欽定四庫全書

五堂雜記
卷上

八

宗皇祐中破諸儒異同之論即大慶殿行親享之禮並侑祖宗從以百神前期朝獻景靈宮享太廟一如郊祀之制太上皇帝中興斟酌家法舉行於紹興之初亦在殿庭蓋得聖經之遺意且國家大祀有四春祈穀夏雩祀秋明堂冬郊祀是也陛下即位以來固嘗一講祈穀四躬冬祀惟合宮雩壇之禮猶未親行今若特舉秋享於義為允臣等謹據已行典禮及將前代賀循本朝名儒李泰伯范鎮明堂嚴祖說并治平中呂誨司馬光等



集議近歲李燾奏劄具錄以聞乙亥有旨從之九月上
辛以顯肅后忌前改用仲辛行禮辛酉當受誓戒前一
日上語宰執足指瘡腫恐妨拜跪欲展季辛又值顯恭
后忌如何宰執奏天地尊后忌卑遂降旨用二十六日
必大按漢武太初太始征和中屢祀明堂不專用辛方
請別卜日詰朝上忽遣中使諭旨都堂夜來傳藥足瘡
良愈不必改日但已展誓戒之期若再降旨不張皇否
趙相奏此却無妨遂以是日午時集官受誓戒丙寅大
雨丁卯鎖院草赦戊辰百執事冒雨入麗正門過後殿
請皇帝致齋己巳上乘逍遙車朝獻景靈宮入太廟宿
齋四日之間雨晝夜傾注通衢殆如溪澗有旨來早不
乘玉輅止用逍遙車徑入北門趨文德殿致齋朝服導
駕官皆改常服應儀仗排立人並放趙相為大禮使密
諭有司未得放散黃昏後雨驟止夜分內侍李思恭傳
旨御史臺閤門大常寺仍舊乘玉輅應合行事件疾速
施行庚午昧爽駕來登輅必大執綬上喜曰且得晴霽

欽定四庫全書

玉堂雜記

九

辛未行禮月色如畫上拜起不倦以迄于成黎明登樓
肆赦簪花過德壽宮人情熙然赦書乃必大視草其間
云惟周成宗祀洛中陟配於文王惟漢武合祠汶上推
嚴於高帝皆用親郊之禮具殫尊祖之誠於鑠本朝若
稽前代倣經路寢有皇祐之曩儀徧秩羣神有紹興之
近制不愆于素可舉而行蓋欲明著古禮以示來世也
後數日加恩羣臣必大復草趙相制云裸將太宮霖潦
驟霽陟恪大寢月華正中又云鎮定大事如彥博之恢
宏貫通羣經如宋庠之博洽皆紀一時之事且以仁宗
初行明堂二公實為相也大禮赦條乃六部諸司條具
上省省中類聚取旨訖即進熟狀降付學士院草赦文
本院并首尾詞大書進入其間多云當議將上取旨蓋
有司擬申如此既經畫旨行赦便是處分不應仍舊用
當議二字必大為學士諭令削去院吏持不敢遂親以
筆塗之
大禮上乘玉輅率命翰林學士執綬備顧問近歲多闕

欽定四庫全書

玉堂雜記

十

正員臨時選差他官與五使同降旨淳熙丙申南郊已亥明堂必大再為之按京師用唐顯慶輅嘗以登封其安固可知元豐改造已不能及今乃紹興癸亥歲所製上自太廟服通天冠絳紗袍乘輦至輅後由木陛以登惟留御藥二宦者侍立執綏官先從旁用小梯攀緣而上衛士以綵繩圍腰繫以箱柱輅行頗搖兀宸躬亦覺危坐云

大禮後上御樓揭雞竿肆赦皇太子及文武百僚拜舞

欽定四庫全書

五堂雜記

十一

于下惟樞密使翰林學士相對侍立樓上丙申已亥必大扈從再登麗正門望濤江形勢環抱極壯觀也

乾道七年四月甲子詔皇太子判臨安府用至道故事也或謂當以太中大夫為判官通領府事恐名稱未正遂議改尹而以侍從為少尹餘判推官用卿監郎官丁卯將命鎖院降麻給告身或又疑宣麻給告非侍儲貳之禮已已後省官禮官會議於史院檢照唐太宗征遼命太子監國及大帝命太子受諸司啟事或詔或制

視麻為重可以作則上然之庚午偶當日被宣范紫微成大先以侍講遞宿聞報遽出薄莫至玉堂御藥李名持御封御筆皇太子某宜領臨安尹可依此降制三鼓進草因奏此制書既不給告則當付有司施行竊恐皇太子別無被受欲依自來詔書體式格換首尾書寫一通降付皇太子今擬定格式進呈如賜俞允乞速批降付下御筆批依辛未遂告大廷惟此稀闊盛典適以史官備討論詞臣參潤色復得宸翰寶藏于家非儒生之榮遇乎

欽定四庫全書

五堂雜記

十二

答皇子詔用卿字非是前輩知體則不然其他或汝或王或公皆當有別

翰苑歲進春端貼子如大內多及時事太上則詠遊幸之類必大嘗自德壽宮後垣趨傳法寺望見一樓巍然朝士云太上名之曰聚遠而自題其額仍大書東坡賴有高樓能聚遠一時收拾與閒人之詩於屏間又靈隱寺冷泉亭臨安絕景去城既遠難於頻幸乃即宮中鑿



大池續竹筒數里引西湖水注之其上疊石為山象飛
來峯宛然天成必大作端午帖子云聚遠樓頭面面風
冷泉亭下水溶溶人間炎熱何由到真是瑤臺第一重
蓋謂此也前後頗聞禁禦大略併記于下宮中分四地
分隨時遊覽東地分香遠梅清深堂竹月臺梅坡松菊三
徑菊芙蓉清妍醺清新屏木芙蓉岡南地分載忻宴處御忻
古栢太湖石射廳臨賦荷花燦錦金林至樂池半丈紅李郁
子清曠木瀉碧養金魚處西則冷泉梅古文杏館靜樂丹壯浣溪
欽定四庫全書
玉堂雜記
大樓子北則絳華羅木亭早船俯翠茅亭春桃盤松其詳不
可得而知也嘗見御製盤松贊墨本云天錫瑞木得自
嶽岑枝蟠數萬幹不倍尋怒騰雲勢靜奏琴音凌寒鬱
茂當暑陰森封以腴壤邇以碧潯越千萬年以慰我心
碑在宮中又汪季路達得御製祭土地文藁真蹟寶藏
之其文云維淳熙五年歲次戊戌十一月日太上皇帝
遣具階張宗尹特設牲牢旨酒珍果香花致祭于本宮
土地之神神有百職職各不同典司草木土示是供我

遊湖園乃獲奇松植之禁苑百態千容婆婆偃蓋天矯
騰龍翠色凝露清音舞風醉吟聞適予情所鍾壘培封
殖久或力窮鳥鳥外擾蟻蠹內攻神其勦絕勿使能終
精邪竊據盜斧適逢神其呵逐勿使遺蹤常令勁質坐
閱隆冬堅踰五柞弱異雙桐厯千萬年鬱鬱葱葱牲牢
旨酒嗣錄汝功尚饗
歐陽文忠公學士院草錄世已不傳近歲有玉堂集云
是李漢老所編類亦差訛非全書其中却載皇太子府
春端帖子蓋政和宣和間所供今東宮乃闕此欲引例
為請緣無善本可據且當時不曰宮而曰府遂止
王安中內
制一例
曰闕
玉堂雜記卷上

欽定四庫全書

玉堂雜記卷中

宋 周必大 撰

乾道七年十二月辛酉有旨僕射之名不正欲採周漢舊制改左右丞相令有司討論必大時為禮部侍郎兼權直學士院又兼同修國史兼實錄院修撰皆當與聞會眾議不齊而虞丞相亦謂同北朝官制遷延至明年正月戊寅僅條具歷代宰相官稱申尚書省禁中即聞

欽定四庫全書

玉堂雜記
卷中

之明日遣中使王名其來問緩故必大以實奏二月癸

卯得御筆云尚書左右僕射可依漢制改作左右丞相學士院降詔登時具草封入乙巳付外施行庚戌從駕過德壽宮既歸得旨赴東華門祇候宣引日已晡聞有內宴小黃門出云恐改日引然不敢退而後忽宣入選德殿起居畢上微被酒袖出親劄云比來一二大臣同心輔正夙夜匪懈漸革苟且之風以副綜覈之意深可嘉尚今因除授宜示褒典虞允文可特進左丞相梁克

家可正奉大夫右丞相御前設小案用牙尺壓蠟紙一幅傍有漆匣小歛硯寘筆墨於玉格必大鞠躬書除目進呈訖奏曰拜相轉官前例固不一今並命而或三或四更取聖裁上曰以其協心故褒進之然特進一官即少保所以允文三官又問兼樞密使否上曰今樞密亦非古先改丞相稱呼將來別理會且帶可也又奏所領書局上曰卿自理會賜坐奏問既改左右相其序位如何上曰欲升在三少之上三公之下逮閣請起宣坐賜

欽定四庫全書

玉堂雜記
卷中

茶飲訖再拜而退御藥李邦直同自複道秉燭鎖院蓋上意欲其密故不用尋常宣官之禮金蓮故事今庶幾焉凡鎖院御藥監門中官各一員御藥留宿其廳

去恐見大禮別有職事昧爽再相見以小字制書本授之送至中

門先啟鑰入內即復高院候俟朝退宣麻訖學士乃得歸時虞公獨相梁為參政聞班列中但謂改易相名及雙制出愕然或疑學士多轉右相一官有所抑揚不敢辨也按祖宗時命相多以舊官其後往往遷秩近歲勅



局修三省法乃著令轉三官茲豈當立法乎

乾道七年七月二十六日午後快行家傳旨下學士院取從官為四川宣撫使體例蓋是時參知政事王公明炎在蜀三年屢求歸宰相薦吏部侍郎王能甫之奇為代故來索例必大令回奏云降麻官方屬本院侍從當問三省既暮忽宣鎖至院已秉燭中使出御封御筆乃王炎除樞密使依舊四川宣撫使其密如此吏寫熟狀依例不轉官但加食邑必大方草制未暇細思既得筆

欽定四庫全書

王堂雜記

三

依奏方省其誤自寫奏云本朝改官制後以太中大夫為宰執官當時改樞密使為知院事中興以來既復置使首用舊弼故恩數多視宰臣未有以中大夫充者昨汪澈元是通議大夫虞允文太中大夫故不轉官今王炎止是中大夫竊慮合轉左太中大夫仍加封邑庶協近制御筆批依時三鼓批墨尚濕

必大初直院見批答臣僚章表皆大書其後不過三兩行表紙盡則接以詔紙數幅文盡乃止然表紙高詔紙

矮參差不等問之掌故並無依據心每疑之其後徧於執政故家求承平時舊本偶得仁宗皇祐間答孫威敏公沔辭免副樞表則所接之紙高低相若淳熙乙未再叨寓直閏九月十二日因李參彥穎王樞淮斷章批答即具奏照皇祐體式於表後用一等紙書寫進呈仍乞今後準此施行御筆依遂為定制

宰執及親王使相太尉生日天章閣排辦牲餼預申學士院撰詔書及寫賜目一紙各請御寶

詔用書記之寶賜用錫賜之寶

欽定四庫全書

王堂雜記

四

前一日差內侍持賜其詔例畫撰進之日謂如正月旦生文意必敘歲首而所畫日則是去臘殊不相應必大為直院奏乞不拘進詔早晚但實畫生日於後得旨從之遂為定制祖宗時牲餼外又錫器幣往往就差子弟姻戚持賜欲其省費也過江惟牲餼耳米麪本色羊準價皆取之有司酒則臨安醞造臨時加以黃封拜賜訖與賜者同升廳櫺笏展讀就坐茶湯書送錢十五千從人三千天章閣使臣庫子快行錢酒各有差



淳熙丙申八月庚辰德壽宮遣大璫張去為至都堂傳
旨立翟貴妃為今上皇后明日午後執政奏事皇后歸
姓謝氏乙酉晚快行家來宣鎖院是日侍講刑部侍郎
程泰之已宿直呼馬而出子至內前適與之遇泰之揚
鞭云留詩案上矣酉時出自東華門入對選德殿上曰
太上有旨立謝后命卿草制必大奏合略及歸姓否上
曰不如此四方何由知明言幼隨乳母可也宣坐賜茶
訖御藥王濛同八院二鼓後進草畢吏呈泰之詩云抖
擻身章却冒塵王堂雜記 蹠顧影也逡巡鑾坡寓宿非其地蓮
燭操文自有真字直由來同古語位高魚復見今人迎
潮有諾無輕爽季老當年不諉貧謂賜金也子次韻戲
之云天街並踏軟紅塵飛鞋交馳駭徵巡掖殿敢期當
制草槐庭元擬用儒真初謂年兄 入相鎖院入相鎖院 嚮方偶免冬龜手適
市深慙旦攫人禮絕同僚應有日重霑潤筆乃無貧謂
相制亦賜金也先是七月十九日六曹長貳六人往浙
江亭觀潮泰之在焉惟予以內直不赴晡時大雷雨走

筆戲蔡子平沈云雷轟萬鼓勒潮回無復亭前雪作堆
應為尚書慳且澁盲風恠雨一時來迎潮輕真之語指
此
淳熙丙申八月乙未都堂召議賜交趾來年歷日詔書
予謂李天祚去冬已薨龍翰未經封拜欲作安南國王
嗣子龍翰執政然之先是予以兵部職事條具天祚贈
典按故事其王初立即封交趾郡王久之進南平王死
則贈侍中南越王上以天祚自紹興丁巳嗣位今四十
年淳熙元年二月又自南平王特封安南國王故欲厚
其禮予請仍贈侍中追封南越國王詔可之安南為國
蓋曾丞相之失聞奏章行移舊止稱安南道加封之後
浸自尊大文書稱國不復可改丁酉三月二十四日制
授龍翰靜海軍節度觀察處置等使特進檢校太尉兼
御史大夫上柱國安南國王食邑三千戶食實封一千
戶仍賜推誠順化功臣予適當制其云即樂國以肇封
既從世襲極真王而錫命何待次升蓋言不封郡王也



交州在唐為安南都護府本朝太宗時黎氏奪丁璿節度大中祥符二年李公蘊復篡之傳子德政至孫日尊嘗稱帝改元日尊卒乾德嗣卒陽煥嗣卒天祚嗣卒龍翰嗣卒數歲矣制云乃眷一邦茲傳七世自公蘊言之也其名曰日曰乾曰陽曰天曰龍皆有僭上之意然表章字如蠅頭幾不可辨玉音每嘉其恭順云

淳熙三年九月二十五日鎖院付下中書門下省熟狀趙伯圭除使相提舉洞霄宮必大奏按故事宗室戚里

欽定四庫全書

玉堂雜記
卷中

或前宰執帶節度使多充宮觀使若至使相自領使無疑昨史浩以使相提舉宮觀者誤也恐自此遂以為例今具士樽錢忱等例皆是以使相充宮觀使在外任便居住者合取旨改正一更四點進入五點上批可依士樽等體例除宮觀使

是年十一月二十二日御封付下參知政事錢良臣辭免監修國史日歷所劄子降詔不允必大因奏自來宰執兼領書局多是內尚書省批出局名既至朝廷降勅

合行寫正而省吏止奉行內批宰執亦隨勅黃繫銜差誤日久今因答詔輒具言之國史日歷者書名也曰所者官司也今大臣合監修日歷却添一所字似監修造作之官又如勅令所從官詳定宰執提舉今却云提舉勅令所此何理也以至國史院會要玉牒皆為一律合行改正上以為允其後或是或否復混淆矣

丁酉九月丙辰宣召侍讀史少保浩錫宴澄碧殿抵莫送以金蓮燭宿玉堂直廬上命作詩敘此會史進古詩三十韻云季秋中澣日淳熙隆四禩朝回纔轡間中使

欽定四庫全書

玉堂雜記
卷中

俄傳旨少頃日轉申宣召陪燕喜預令掃玉堂深夜備棲止悚懼踞承命鳴騶亟穿市絳闕聳皇居非煙常靡靡入自東華門熊羆森爪士詔許乘肩輿安徐無跛倚復古距選德相望幾數里修廊按雲漢岩窈窕珠藥中途敵金扉恍若蓬壺裏羣山擁蒼壁四顧環弱水山既日夕佳水亦湛無滓冰簾映綺疏瓊殿中央峙澄碧耀宸奎龍神爭守視蹈舞上丹墀天威不遠咫尺奉觴祈萬



壽時蒙一啟齒餘波丐鼠腹酒行不知幾徘徊下瑤席
緩步煩玉趾從遊至清激錫坐談名理泉聲韻琴瑟一
洗箏笛耳皇云萬機暇觀書每來此論道及帝王直欲
齊其軌堯舜禹湯文前身無乃是臣言匪獻諛道實由
心起既然明是心要在力行爾登橋礮餘疊飲興未容
已金蓮引雙燭再拜離階祀玉音寵諭臣此會宜有紀
歸途感恩榮占寫忘散散上御製俯同其韻云揖遜荷
帝堯寅恭五元祺治道貴清靜聖言有深旨誰歌元首
欽定四庫全書
王堂雜記
卷中
九
明自得股肱喜躋民期仁壽距肯中道止力農樂彼田
坐賈安於市歲行閱豐登國論銷委靡予力初何能濟
濟賴多士矧予有元老中立而不倚居東逾三年不遠
來千里未遂赤松遊輟誦青琅藥皓首持六經日侍明
光裏翼乎鴻遇風縱矣魚在水儒行絕瑕疵道心無塵
滓挺挺松栢姿巉巉山岳峙予惟日萬幾至仁同一視
西成錫小宴促坐才尺咫湛露愧歌周置酒非封菑歸
美見新詩如卿能有幾眷言澄碧行勝賞得迂趾亦屢

引公卿對此談政理虛心欲受人忠言資逆耳朕瘠天
下肥至樂無易此頗念文武疆六合尚殊軌東都會諸
侯宣王昔於是期爾罄嘉謀使我勲業起勿以方燕頤
所書卿復爾卮酒正須臾話言未能已都護萬年觴何
當至庭祀文章藉老手直筆中興紀載嘉慶錄翁焉得
辭散散逮十一月壬寅輪當內直申時二刻宣召至清
華閣上曰學士宴見無時最為親近朕和史浩詩待錄
示卿可和以進此學士職也又云卿想不甚飲比賜宴
時見卿面赤却至誠不辭既退中使李肅傳旨賜詩本
并戊戌小春茶二十銖葉世英墨五團以代賜酒世英
御前墨工也恭進和篇云粵從三代還歲月過千禩時
豈無賢君道未契宸旨
陛下屢語臣三代而下入君皆不知道煌煌唐太
宗勲業在所喜冠攘既掃除蠻貊畢至止循良布郡邑
惠政寬獄市忠賢儼班聯切諫枕浮靡開輔羅府兵嚴
穴聘奇士民生履孟安國勢泰山倚皇心期過之風下
九萬里忠厚培本根文物燦華藻淳熙貞觀間何啻相



表裏屬車尚濤江列障隔淮水天河未洗兵作我太清
澤坐令營屯衆久費糗糧峙遺民多雁替諸將空虎視
安得貫帑楷來貢尺有咫六合混一家耕桑盛生齒願
言講治道先務當有幾欲仁斯仁至惠在未舉趾而况
前史中遺事可尋理衛英爪與牙王魏目薰耳處中賴
房杜虛受忘彼此不聞國異政但見車同軌孰云古道
難僉曰今王是寸陰聖所競盛德日方起舞干格三苗
其効七旬爾軻稱仁無敵傳謂禮可已東觀及北女看
欽定四庫全書
卷中
玉堂雜記
十一
即朝王祀南山竹易殫陛下功難紀儒館謾獻歌將奈
詞之散是日奏事畢問陛下命臨安府開文海有諸上
曰然奏云文選之後有文粹已遠不及所謂文海乃近
時江鈿編類殊無倫理書坊刊行可也今降旨校正刻
板事體則重恐難傳後莫若委館閣官銓擇本朝文章
成一代之書上大以為然曰卿可理會奏乞委館職上
曰待差一兩員其後遂付呂伯共祖謙既成上問何以
為名必大乞賜名皇朝文鑑上曰善又降旨令必大作

序亦既進呈將刊版會有近臣密啟云所載臣僚章疏
毀及祖宗政事遂不果刊今其書士大夫或傳之
淳熙五年閏六月十二日鎖院付到熟狀皇子魏王自
荆南集慶軍節度使開府儀同三司行江陵尹判明州
改常德彰信軍節度使行荊州牧必大奏彰信是曹州
徽宗曾為節度使即位後升興仁府又親王帶牧合隨
本鎮今成德軍即真定府却帶荊州牧非是上批別擬
大鎮進入選點更具本鎮帶牧故事來必大又奏去夏
欽定四庫全書
卷中
玉堂雜記
十二
魏王除荆南節度使江陵尹誤犯端拱中真宗除授昔
政和中已失檢照今因改鎮不敢不審兼兩鎮合帶兩
牧仍隨本鎮併於實錄中檢故事以進夏夜甚短奏入
已三鼓至四鼓未批出只於兩鎮上就本鎮止帶一牧
必大遂擬永興成德軍節度使雍州牧進入頃之點定
然後進草禁中未就寢以待
禁中四鼓乃
在外三更
故事食邑千戶以上封侯若拜相雖舊爵卑食邑少亦
徑封侯蓋五等伯子男用縣名至侯則升郡當降旨時



未知所封何郡第云進封開國侯而已秦丞相薨後初拜沈守約該左相万俟元忠禹右相沈爵歸安縣万俟陽武縣各從其鄉也既相合升郡侯而學士院遂進沈為歸安郡万俟陽武郡初非郡名其誤甚矣當時偶不知改久之因進書轉官方能釐正至今遇恩升郡臣僚院吏及吏部尚復差舛謂如元係吳興縣開國伯則合云進封吳興郡開國侯却云吳興郡進封開國侯殊無義理予每為正之

欽定四庫全書

王堂雜記

十三

北門掌內制西掖掌外制是謂兩制又著令自觀文殿大學士至敷文閣待制為侍從官朝廷或詔近臣舉賢議事多云兩省諫議大夫以上尚書省侍郎以上而別言御史中丞學士待制乃為詳備近世相承通稱侍從固已疑混若泛言兩制則非矣

紹興二十四年春直學士院湯公思退以禮部侍郎同知貢舉時百官多闕大抵一人兼數職凡進士出身皆入試闈獨留監察御史王公綸蓋備拆號也內制既闕

官遂降旨暫權適草劉婉儀進位貴妃制太上稱其有典詰體潤筆殆萬緡賜硯尤奇秦丞相不樂遭論列而去秦薨召還掌內外制知樞密院事垂相而病除大資政留守金陵即其鄉也未第時兄弟就食府庠至是人以為榮尋卒官予嘗草其致仕制云少則歌鹿鳴而薦於鄉老則釋麟符而居其里考昔人而或有在近歲以幾希贈官制云古所謂鄉先生者沒則祭於社而後世良二千石民亦奉嘗之爾於二者蓋兼之皆紀實也



欽定四庫全書

王堂雜記

十四

故事正除六曹侍郎及雜學士以上遇辭免皆降詔不允給舍并權侍郎則否紹興二十七年六月戶部王侍郎師心辭給事中亦降不允詔書蓋舊官合答詔也是歲九月權禮部賀侍郎允中除給事中辭免亦降詔乃誤襲王例非故事也三十年正月權工部王侍郎晞亮遷夕拜不復降詔得之矣明年九月權禮部金侍郎安節亦遷夕拜又誤降詔自後往往無定論院官隨事申明改正為善





國初久為學士官至八座已罷職或再來直院神宗改官制後中丞并權六曹尚書若兼內制亦止云直學士院舒亶等是也中興初詹又已為龍圖閣學士猶曰權直院其他如正侍郎已下多帶兼權汪藻等是也厥後程克俊林待聘楊愿等初以給舍兼權稍久乃落權字以為恩數至正尚書則帶兼權學士胡交修等是也乾道三年洪景盧邁奏請自庶官遷侍從便落權字正兼直院故先以起居郎權直院既遷中書舍人即落權字

欽定四庫全書

王堂雜記
卷下

庚辰秋予以少蓬兼權直院明年正除權禮部侍郎吏引近制申明合正為直院予固抑之兼權如故翰林王日嚴嚴亦不復問其後王季海淮以太常少卿兼權直院既除正字即徑落權遂為定例淳熙五年十二月必大自翰林遷禮書乃正兼學士蓋上所兼之官在正官下者皆不帶權非舊例也六年十一月遷吏書又升兼學士承旨且有內批付院云天官事繁今後非特旨撰述其餘並免

上自登極至今將二十年正除翰苑纔七八人皆登二府惟王日嚴以年踰七十除端明殿學士而去乾道癸巳曾丞相懷鄭參政聞張樞密說在二府或薦新政官正字崔大雅興詩入內庭以其資淺乃創翰林權直之名月俸減學士直院三之一

自學士承旨至庶官兼權直院者俸給一等

中餐錢不減明年冬以父憂去尋丁母憂戊戌秋服闋復召為密院編修官吏丞相浩當國下史院訂論兼職名稱遂改為學士院權直蓋以翰林乃內諸司總名難專指學士院也

欽定四庫全書

王堂雜記
卷下

淳熙己亥明堂大禮崔大雅已遷著作權直如故糧料院止隨其官幫支賜二十疋兩大雅以狀申祕書省省申朝廷趙丞相雄將上取旨遂用月俸例支學士三之二祖宗試文多在學士院近歲惟試館職耳既得省劄召某人試即下太史局擇日報內侍省差官一員充監門前一日學士宿院進策題候內批依次早乃引試支左藏庫錢三十緡充餐錢試畢錄策題并試卷依紹興

三十年司諫何通遠溥以為言太上欲復故事而人頗憚試首召朱熙載等次召劉儀鳳等皆辭不就太上諭湯丞相思退等擇二人必令試且云蘇軾中制科猶試况餘人乎於是予以予及同年程泰之大昌應詔具宣上旨乃不敢辭已而太上欲除校書郎或謂過江選人無此例止除正字乾道六年九月予以秘書少監寓直翰苑發策試王仲衡希呂嘗賦詩寄程同年云當年給札踏金鑾重到依然九月寒學士策詢學士策館職亦合呼學士

欽定四庫全書

玉堂雜記

四

秘書官試秘書官自憐綠鬢非前度尚喜青衫總一般時予服綠寄語浙東程閣老程時為浙東提刑兼權帥事亦嘗暫直翰苑莫矜紅旆笑儒酸程答詩末句云有底滑稽堪美處金蓮燭底話窮酸始予庚辰九月與程同試兩人名皆有大字明年試蔣希堉燧姓名俱連草頭又明年試王東里程千里名連里字頻歲偶爾亦可書也按祖宗朝館職者指昭文集賢史館之職也在內多升修注出外則為帶職凡轉官奏補恩數皆厚故艱其選必試而後除亦以限

止無能之人自神宗罷館職止是秘書省官與其他職事官無不當尚猶館職之名况狀元不試餘人多徑除著作丞郎所試者校書正字而已舊制云試前一日學士宿院故元祐中蘇文忠公與鄧文惠公溫伯各進策題禁中點用文忠所作及予與程同試時學士洪景嚴兵部尚書兼權學士楊元老椿亦並入至是予與鄭仲益同直鄭為長官典故浸移乃始輪入不敢強之其後予再直丙申二月召試許蒼舒遂修故事約程元成

欽定四庫全書

玉堂雜記

五

叔達並入策題則輪撰

隆興初上用真宗故事輪講筵學士院官直宿禁林每多兩員以備宣引洛訪往往賜酒留款其後以兩人難獨召若同召則議論難盡止命一員遞宿自後益遵其選或國忌妨行香若有故員少及大暑皆權免間遇除授宣鎖講筵官已入直率聞命蒼皇而出至有不及伺候從吏借馬於內諸司者或偶值本院官直宿就留鎖院若大除拜當有錫賜則不係當日與否往往特宣云

每直兩日謂之頭直末直

紹興辛巳明堂禮成以完顏亮背盟十月四日詔今次明堂大禮合加恩臣僚權宜不鎖院不宜麻止降制給告並免辭免候事定日依舊隆興二年邊事改卜郊乾道二年冬雷罷二相皆未暇舉行乾道六年必大始奏復舊制

內制名色不一倖直時或未詳其體式故凡詞頭之下者院吏必以片紙錄舊作於前謂之屏風兒予嘗跋王欽定四庫全書

王堂雜記
卷下

六

岐公蘇文定公詔草及謝表備言之至今不廢蓋其來久矣國初陶穀謂一生依本畫葫蘆殆謂是耶

凡鎖院或親被旨或受熟狀本院即開閣門今月某日有鎖院事閣門得之即開報御史臺集文臣職事官承務郎釐務官通直郎已上明日赴文德殿聽麻宰相樞密皆不往惟輪參知政事一員押麻麻卷自內出閣門啟御封兩吏對展宣贊舍人南面搢笏叉手大聲擗首尾詞及階位姓名下數句并所除之官而讀之不盡宣

也聽訖知閣門官以授參政參政付中書吏百官不拜而退若大詔令及冊后之類則宰執文武百僚俱入文亦盡讀拜舞然後退

禁中以鎖院為重淳熙三年慶壽赦凡降麻官合加恩者用辛巳明堂例免鎖院宣制仍勿辭免九月三日中書進熟狀魏王愷恩平郡王璩永陽郡王居廣並加食邑食實封只乞降付院草制內夫人失於詳閱宣鎖程直院是夜進草明日告廷如式又明日內批付密院典

王堂雜記
卷下

七

字直筆吳慶慶降充紫霞帔不令供職主管大內公事慶國淑懿夫人劉從信降兩字夫人蓋懲其誤也

凡非時宣召院官

侍從已下及外官而內引者同

紫窄衫絛絢行入殿廊有小黃門來導至便坐上服紅半臂

忌前用黃

黃門贊拜

揖升殿奏對訖上曰且坐先已設小几予得旨則側身虛揖而坐將退黃門贊云宣坐賜茶於是中官進御前者中使授臣僚者賜酒亦然所用杯不同侑以果實一梓其器分大小若二府則黃門雙導上亦服窄衫宰相



樞使坐高几子執政紫團坐而低賜茶酒亦如之或曲宴則酒五行亦或加多每杯賜食初無定制

中興後凡除拜節鉞以上多由中書進熟狀院吏云鎖中左選者文臣也右選者武臣也逐房臨時呼院吏取索是以知之惟草后妃太子宰相麻則不容知快行數十輩來宣召云鎖小殿子既至便殿上服帽帶諭以除授之意御前列金器如硯匣壓尺筆格糊板水滴之屬幾二百兩既書除目隨以賜之隆興初猶用此例乾道以後止設常筆硯而已退則有旨打造不及例賜牌子金百兩立后升儲倍之

欽定四庫全書

玉堂雜記
卷下

凡除拜加恩官在都下者既宣麻而院吏私錄本走報希覬贈遺初無公移也而被受之官辭免者多云準學士院報麻除授云云此非典故不應相承以為例

獎諭臣僚或降詔或勅書院中自有定式近歲如大理獄空及監司守臣有勞績若是庶僚皆合降勅書三省樞密院往往誤批降詔院吏隨所得旨而行不敢正也

翰苑印以翰林學士院印六字為文背鐫景德二年少傳監鑄上兩字微刊自南渡凡百司印無如此久者尚書六曹惟禮部印是舊物然亦元豐改官制後所鑄蓋文書稍簡故不刊耳

紹興辛巳五月詔學士院權寓皇城司而以院為欽宗几筵殿終制復舊

學士院舊號北門今在行宮和寧門內蓋沿北門之制地迫皇城極為窄隘汪尚書應辰兼權學士時上屢令增葺竟以無地步而輟廳後即堂緣近歲院官止二員故分東西兩閣中有小龜頭榜曰搞文堂蓋昔時徽宗因廣直廬御書以賜強承旨淵明今乃汪彥章內翰藻所篆太上又嘗書玉堂二字賜學士周茂振鱗之刻石

欽定四庫全書

玉堂雜記
卷下

廳上

東閣窻下梵小池久無雨則涸傍植金沙月桂之屬又有海棠郁李繡毬各一株西偏值金橘逼城根株不能大花開時香滿院結實雖小而甘浙中未易得也淳熙



已亥夏侍講兵部尚書兼給事中王仲衡入直示兩絕
句云玉堂晝永暑風微款款飛花落小池徙倚幽欄憑
問訊夏鶯飛出萬年枝小池倒影弄餘輝照耀虛簷極
出奇木杪不鳴風力軟闌萍翻藻有魚嬉予次韻云東
省南宮切太微夔龍行集鳳皇池更戒閣薰風句坐
覺微涼生桂枝紫禁同依日月輝蒼顏獨愧羽毛奇水
如明鏡雖堪俯笑汝星星誰肯嬉予嘗發策試仲衡至
是同為八座俱在講筵唱酬頗多是時詩及院中景物
欽定四庫全書

王堂雜記
卷下

故記於此

朝殿日皇太子宰相親王使相參政各有朱衣史二人
自下馬處前導至殿門樞密使恩數依宰臣者同若此
知院及副樞簽書則紫衣外惟翰林學士有之又禁門內許以茶鐐擔子自隨與
執政等

車駕將出宴享或過宮則應奉官及侍從以上朝于後
殿宰執有奏事侍從先退例玉堂少憩若值冬至元正
則團拜堂上俟駕過就院門外上馬以從南渡以來朝

臣遇節序賜予多權停今經筵寒食重午冬至尚賜節
料錢酒其他侍從則三大節客省簽賜羊酒米麪而學
士院官若侍從以上兼領自從本官或庶僚權直院獨
三伏賜冰一擔時果五品品饒一牒亦因與經筵官輪
宿而得之書局有有中官承受凡遇時節
例賜茶酒學士院無承受故也淳熙乙未初
伏必大以待制侍講賜派香酒四斗後二年
減半時果七牒
冰一擔視庶官直院為稍增以短表謝支快行家食錢
三千又折酒錢三百別賜冰一擔翰林司關子云限支
日下支不許次日
欽定四庫全書

王堂雜記
卷下

食錢一千蓋侍從所得者

十月旦賜錦襖子學士院觀察使簇四金鵬尚書執政
八搭暈錦宰臣使相天下樂例從左帑帑支得不以時
臨期隨品色假為領袖施之朝服三日而止識者非之
予自翰苑遷八座已亥十月值從駕恭謝景靈宮兵部
尚書王仲衡未達朝儀第用市錦予告之故計無所出
予輟所服與之而馳取舊金鵬者自用暨追班閣門吏
魁趙軫與其徒顧予諄語予悟其意呼而告以雖班尚書



猶兼翰林學士故可捨高從卑軫等愧謝而退

渡江後每遇開講罷講臨安治具侍講讀修注官紹興三十二年冬予為左史趙清卿子肅知臨安初獻議盡罷百司饋送及所供飲饌時洪景嚴以內翰兼侍讀開講日學士院自置酒五行自後遂為例乾道六年予與鄭仲益兼直院鄭兼侍講是秋開講鄭主席謂予亦院官當與其事予但簽書招客之目而以不兼講讀不赴坐時胡邦衡銓以工侍兼侍講坐中賦單字韻詩見及欽定四庫全書

王堂雜記
卷下

十三

予次其韻有云寓直敢同東道主蓋謂是也翰林學士初上舊制勅設甚盛中興後不復舉行予直院時除王日嚴為學士院中支餐錢具五杯而已故事大宴未再坐間學士院常為館閣官具食蓋祖宗時內外制官無不自三館出館中之人往往前日僚友之舊道義之交不專以勢利高下為心故每於是日小集從容談笑也近時具食雖如故乃設於學士院門幕次內蓋未嘗見玉堂主人也竊意前輩不爾淳化中太

宗以飛白玉堂等四字賜翰林而學士承旨蘇易簡會兩制於玉堂直秘閣潘謹修與焉略可見也已上乃近世程致道俱麟臺故事所記乾道七年天申節貢院賜齋筵予時以少蓬兼內直乃督院吏治具吏白厨庫乏錢兼近已不講予曰故事既難廢况予身貳秘書而罷此禮乎命如故例然不過盤餐之類爾

必大久在翰苑獨員之日常多率數月輒丐去上必批降詔不允院吏申省乞時暫差官撰述乃委中書舍人如此再三遂為定例徑封奏劄付中書後省數年來上

王堂雜記
卷下

十三

數令薦詞臣為代明示大用意必大每退避戊戌九月丁丑御藥院傳旨問近例院官有無三員者吏具上初政承旨洪遵學士史浩直院劉珙又問紹興間故事吏復具八年曾開勾龍如淵皆為直院而召孫近承旨三十一年何溥為學士虞允文劉珙並直院後旬餘崔大雅服闋還朝上曰卿來適其時遂再兼權直十月復增莫子齊濟尋卒其後繼增趙大本彥中熊子復克予遂

參預



欽定四庫全書

玉堂雜記
卷下

十四

玉堂雜記卷下

